

stoss mit Pfeffer vnd essig / trinck des / du k̄mest sein
 von stundan ab / Odder nym Bethonienwurtz ein vn-
 tze / legs ynn ein warm wasser / wenn dich bedünckt es
 wölle k̄omen / so trinck darvon. Item / nym essig /
 werm den / das er lohe odder laulich sey / saltze den gar
 wol / gibs dem siechen zu trincken / ein trunck als zween
 löffel vol / so yhn das fieber erbeit / gibt er das widder /
 so ist er genesen / es thut aber wehe etc.

Item / nym ein Leber von einem Igel / sends odder
 brate sie / vnd gibs dem siechen zu essen / Odder nym
 Kupfferwasser als ein Pone / vnd Galitzenstein ein we-
 nig minder / stos die zusammen / vnd nym ein guten
 trunck weins / thu es darein / vnd trinck's wenn du wilt.

Ein anders.

Nym leutskot / derre das / vnd gibs dem frantzen
 drey tage / yhe eins gülden schwer / mischs mit zucker /
 sage nicht was es sey.

Don Frawen vnd yhren

frantcheiten.

Wenn den weibern wehe ist / ynn den matricen odder
 vmb den nabel / so gewynnen sie den gezwang / vnd sie
 dünckt man habe sie da nidden zusammen gebunden /
 das büsse also / Nym hirssenmarck vnd eins gebrneten
 eys tottern / stos die zwey zusammen / temperiers mit
 rosendöle / bis es dicke werde / als ein hönig / vnd leg das
 pflaster darüber / odder an die tangen stat / Magest du
 das nicht gehalten / so nym Myrrhen / zu treib den yn
 einem wein der gesoten sey / vnd trinck das also warm.

Viel gespün einem weibe zu machen.

Nym grünen Fenchel / send den ynn wein odder mil-
 ch / trinck's am morgen.

Zu verstellen Menstrua.

℞ iij

Brenn eins